

四庫全書

集部

欽定四庫全書

集部
樂府雅詞卷下

詳校官編修_臣周瓊

侍讀_臣孫球覆勘

總校官庶吉士_臣朱 鈐

校對官中書_臣吳甸華

騰錄監生_臣梁鳴岐

欽定四庫全書

樂府雅詞卷下

宋 曾慥 編

點絳脣

陳去非

寒食今年紫陽山下蠻江左竹籬煙瑣何處求新火

不解鄉音只怕人嫌我愁無那短歌誰和風動梨花朶

法駕導引

世傳項年都下市肆中有道人携烏衣推髻女子買斟酒獨飲女子歌詞以侑

凡九闋皆非人世語或記之以問一道士道士驚曰此赤城韓夫人所製水府蔡真君法駕導引也烏衣女子疑龍云得其三而亡其六擬作三闋

朝元路朝元路同駕玉華君千乘載花紅一色人間遙
指是祥雲回望海光新

東風起東風起海上百花搖十八風鬟雲半動飛花和
雨著輕綃歸路碧迢迢

簾漠漠簾漠漠天澹一簾秋自洗玉舟斟白醴月華微
暎是空舟歌罷海西流

虞美人

亭下桃花盛開作長短句詠之

十年花底承朝露看到江南樹洛陽城裏又東風未必

桃花得似舊時紅
燕脂睡起春纔好
應恨人空老
心
情雖在只吟詩
白髮劉郎孤負可憐枝

雙荷葉

五日移舟明山下作

魚龍舞湘君欲下
瀟湘浦瀟湘浦興亡離合亂波平楚
獨無樽酒酬端午
移舟來聽明山雨
明山雨白頭孤
客洞庭懷古

臨江仙

高詠楚詞酬午日
天涯節序忽忽榴花不似舞裙紅
無

人知此意歌罷滿簾風
萬事一身傷老矣戎葵疑笑
墻東酒盃深淺去年同試澆橋下水今夕到湘中

虞美人

大老祖席醉中賦長短句

張帆欲去仍搔首更醉君家酒吟詩日日待春風及至
桃花開後却忽忽歌聲頻為行人咽記著樽前雪明
朝酒醒大江流滿載一船離恨向衡州

又

邢子友會上

超然堂上閒賓主不受人間暑冰盤圍坐此間無却有

一併和露玉芙蓉 亭亭風骨涼生牖消盡樽中酒酒

闌踏

一作明

月轉城西照見紗巾藜杖帶香歸

又

予甲寅歲自春官出守湖州秋杪道中荷花無復存者乙卯歲自瑣門以病得請奉祠卜居青

墩鎮立秋後三日行舟之前後如明霞相映望之不斷也以長短句記之

扁舟三日秋塘路平度荷花去病夫因病得來遊更值
滿川微雨洗新秋 去年長恨挈舟晚空見殘荷滿今
年何以報君恩一路繁花相送到青墩

漁家傲

福建道中

今日山頭雲欲舉青蛟素鳳移時舞行到石橋聞細雨
聽還住風吹却過溪西去我欲尋詩寬久旅桃花落
盡春無所渺渺籃輿穿翠楚悠然處高林忽送黃鸝
語

浣溪沙

離杭日梁仲謀惠酒極清而美七月十二日晚卧小閣已而月上獨酌數杯

送了棲鴉復暮鐘
闌干生影曲屏東
卧看孤鶴駕天風
起寫一樽明月下
秋空如水酒如虹
謫仙已去與誰

同

木蘭花

青墩僧舍作

山人本合居巖嶺
聊問支郎分半境
殘年藜杖與綸巾
八尺庭中時弄影
呼兒汲水添茶鼎
甘勝吳山山下井
一甌清露一爐雲
偏覺平生今日永

清平樂

黃衫相倚翠葆
層層底八月江南風日美
弄影山腰水尾
楚人未識孤妍
離騷遺恨千年無住
庵中新事一枝

枝喚起幽禪

楚人一
作三閭

欽定四庫全書

樂府雅詞

四

定風波 重陽

九日登臨有故常
隨晴隨雨一傳觴
多病題詩無好句
孤負黃花今日十分黃
記得眉山文翰老
曾道四時佳節是重陽
江海滿前懷古意
誰會闌干三撫獨淒涼

菩薩蠻 荷花

南軒面對芙蓉浦
宜風宜月還宜雨
紅少綠多時
簾前光景奇
繩牀烏木几
盡日繁香裏
睡起一篇新
與花為主

南歌子

塔院僧閣

矯矯千年鶴
茫茫萬里風
闌干三面看
秋空背插浮屠
千尺冷煙中
林塢村村暗
谿流處處通
此間何似玉
霄峰遙望蓬萊
依約晚雲東

臨江仙

夜登小閣憶洛中舊遊

憶昔午橋橋上飲
坐中多是豪英
長海流月去無聲
杏花疎影裏
吹笛到天明
二十餘年如一夢
此身雖在
堪驚間登小閣
看新晴
古今多少事
漁唱起三更

臨江仙

席上贈張建康

蘇養直

本是白蘋洲畔客，虎符卧鎮江城。歸來猶得趁鷗盟。柳絲搖曉市，杜若遍芳汀。莫惜飛觴仍墮幘，柳邊依約鶯聲。水秋鱸熟正關情。只愁宣室召，未許釣船輕。

又

獵獵風蒲初暑過，蕭然庭戶秋清。野航渡口帶煙橫。晚山千萬疊，別鶴兩三聲。秋水芙蓉聊蕩槳，一樽同破愁城。藜花灘上白鷗明。暮雲連極浦，急雨暗長汀。

如夢令 雪中作

疊嶂曉埋煙雨忽作飛花無數整整復斜斜來伴南枝
清苦日暮日暮何許雲林煙樹

虞美人 次俞仲登韻

軍書未息梅仍破穿市溪流過病來無處不關情一夜
鳴榔急雨雜灘聲飄零無復還山夢雲屋春寒重山
連積水水連空溪上青蒲短短柳重重

浣溪沙 書虞元翁畫

水榭風微玉枕涼
牙牀角簾藕花香
野塘煙雨罩鴛鴦
紅蓼渡頭青嶂遠
綠蘋波上白鷗雙
淋浪淡墨水雲鄉

謁金門

懷故居作

何處所門外冷雲堆
浦竹裏江寒未吐茅
屋疎疎雨
誰遣愁來如許
小立野塘官渡手
種凌霄今在否
柳浪迷煙渚

又

大葉莊懷張元孺作

楊柳渡醉著青鞋歸去點點鷗沙何處所十里菰蒲雨
抖擻向來塵土卧看碧山雲度寄語故時猿鶴侶未
見心先許

鷓鴣天

楓落河梁野水秋澹煙衰草接郊丘醉眠小塢黃茅店
夢倚高城赤葉樓天杳杳路悠悠鈿箏歌扇等閒休
霸橋楊柳年年恨鴛浦芙蓉葉葉愁

又過湖陰席上贈妓

梅妬晨粧雪妬輕
遠山依約學眉青
樽前無復歌金縷
夢覺空餘月滿林
魚與雁兩浮沈
淺顰微笑總關心
相思恰似江南柳
一夜春風一夜深

又

秋入蒹葭小雁行
參差飛墮水雲鄉
直須銀甲供春笋
且滴糟牀覆羽觴
風壓幕月侵廊
江南江北夜茫茫
懸知上馬啼鵲夢
一夜驚飛寶鴨香

訴衷情

漁父家風醉中贈韋道士

杖頭挑得布囊行
活計有誰爭不肯
侯家五鼎碧澗下
杯羹
谿上月嶺頭雲不勞耕甕中春色枕上華胥便是長生

又

倦投林樾當誅茅
鴻雁響寒郊溪上晚來楊柳月露洗
煙梢
霜後渚水分槽尚平橋客牀歸夢何必江南門接雲濤

阮郎歸

西園風暖落花時。綠陰鶯亂啼。倚闌無語惜芳菲。絮飛
蝴蝶飛。緣底事、減腰圍。遣愁愁著眉。波連春渚暮天
垂。燕歸人未歸。

點絳脣

冰勒輕寒綠痕初漲回塘水
柳洲煙際白鷺翹沙嘴
筠筇青策未減貂蟬貴雲濤裏
醉眠蓬底不屬人間

菩薩蠻

宜興作

北風振野雲平屋寒溪淅淅流水谷落日送歸鴻夕嵐
千萬重荒坡垂斗柄直北鄉山近何必苦言歸石亭
春滿枝

又 自宜興還西岡作

園林寂寂春歸去濛濛柳下飛香絮野水接雲橫綠烟
啼曉鶯江南鷓鴣夢山邑朝來重小艇小灣頭蘋花
蘋葉洲

又 再在西岡兼懷後湖作

短船誰泊蒹葭渚夜深遠火明漁浦却憶槿花籬春聲
穿竹溪雲山如昨好人自垂垂老心事有誰知月明
霜滿枝

又

同彥達舟中作

眼中疊疊烟中樹晚雲點點翻荷雨鷗泛渚邊烟綠蒲
秋涉川未成江海去聊作林塘主客恨濶無津風斜
白氎巾

又

年時憶著花前醉而今花落人憔悴
麥浪卷晴川杜鵑聲可憐
有書無雁寄初夏槐風細家在落霞邊
愁逢

江月圓

又 澧陽莊

照溪梅雪和烟墮寒林漠漠秋烟鎖
客恨渺無涯雁來人憶家
遠山疑帶雨一線雲間語霜月又嬋娟
江南若箇邊

又

春波灩灩浮春渚綠雲一徑風兼雨又作去年時綠深
垂蔓籬故山歸興動江北江南夢白髮故相欺星星
如有期

木蘭花

江雲疊疊遮鴛浦江水無情流薄暮歸帆初掛葦邊風
客夢不禁蓬背雨諸花不解畱人住只作深愁無盡
處白沙烟樹有無中雁落滄洲何處所

清平樂

詠岩桂

斷崖流水香度青林底元配騷人蘭與芷不數春風桃
李淮南叢桂小山詩翁得攀翻身到十洲三島心游
萬壑千巖

減字木蘭花

李蕭遠

梨花院宇澹月籠雲初過雨一枕輕寒夢入西瑤小道
山花深人靜簾鎖御香清晝永紅藥闌干玉案春風
窈窕間

點絳脣

樓下清歌水流歌斷春風暮夢雲烟樹依約江南路
碧水黃沙夢到尋梅處花無數問花無語明月隨人去

青玉案

綠瑣牕紗明月透政清夢鶯啼柳碧井銀鉶鳴玉梵翔
鸞粧樣粲花衫繡分付春風手喜入秋波嬌欲溜脈
脈青山兩眉秀玉枕春寒郎知否歸來畱取御香襟袖
同飲醪釀酒

鵲橋仙

春陰淡淡春波渺渺簾捲花梢香霧小舟誰在落梅村
正夢繞清溪烟雨碧山學士雲房嬌小須要五湖同
去桃花流水鰕魚肥恰趁得江天佳處

阮郎歸

校書學士小蓬山新參玉筍斑買花歸去五湖間浣花

龍尾灣

闕

南歌子

嫋嫋秋風起蕭蕭敗葉聲岳陽樓上聽哀箏樓下淒涼

江月為誰明 霧雨沈雲夢烟波渺洞庭可憐無處問
湘靈只有無情江水繞孤城

醉桃源

春風碧水滿郎湖水清梅影踈渡江桃葉酒家壚髻鬟
雲樣梳 吹玉蘂飲瓊腴不須紅袖扶少年隨意數花
鬚老來心已無

朝中措

探梅早春亭踰鳳栖巔至三山閣折花而
歸用歐公朝中措腔作照江梅詞寄任蘊

明蘊明嘗許綠檄載侍兒見過又
于漢籍岐有自成者因以為戲

郎官湖上探春迴
初見照江梅
過盡竹溪流水
無人知道花開
佳人何處江南
夢遠殊未歸來
喚取小叢教
看隔江烟雨樓臺

西江月

拾翠亭前水滿
郎官湖上春迴
儀龍新碾試瓊盃
更覺春江有味
拄杖行穿翠篠
吹花醉繞江梅
故園心事
老相催此意陶潛能會

又

雲觀三山清露長生萬鬣青松瓊瑤珠珥下秋空一笑
滿天鸞鳳霧鬢新梳紺綠霞衣舊佩柔紅更邀豪俊
馭南風此意平生飛動

如夢令

春水湖塘深處竹暗沙洲無路閒伴落梅來却信東風
歸去且住且住細看兩山烟雨

又

不見玉人清曉長嘯一聲雲杪碧水滿闌塘竹外一枝

風裊奇妙奇妙半夜山空月皎

水龍吟

碧山橫繞清湖茂林秀麓波光裏南宮老大西洲漂蕩
危亭重倚雨步雲行餌風飲霧平生遊戲笑此中空洞
都無一物有神妙浩然氣 掃盡雲南夢北看三江五
湖秋水狂歌兩解清尊一舉超然千里江漢蒼茫故人
何處山川良是待白蘋露下青天月上約騎鯨起

浪淘沙

拍手趣西風驚起乖龍青山綠水古今同唯有一輪山
上月長照江中一點落金鐘渾似虛空道人不住有
雲峰但是人家清酒甕行處相逢

採桑子

呂居仁

恨君不似江樓月南北東西南北東西只有相隨無別
離恨君却似江樓月暫滿還虧暫滿還虧待得團團
是幾時

又

亂紅天綠風吹盡小市疎樓細雨輕鷗總向離人恨裏
收年年春好年年病妾自西遊水自東流不似殘花
一樣愁

西江月

渺渺風吹月上濛濛霧挾霜迴百年心事老相催人在
夕陽落外有夢常嫌去遠無書可恨來遲一盃濁酒
兩篇詩小檻黃花共醉

又 熱水詞

酒罷悠揚醉興茶烹喚起醒魂却嫌仙劑點甘辛衝破
龍團氣韵金鼎清泉乍瀉香沉微惜芳薰玉人歌斷
恨輕分歡意厭厭未盡

朝中措

病香無力傍闌干風雨送春還一枕曉來清夢無人說
似西山匆匆笑語時時邂逅草草盃盤莫為雜花時
候便忘梅藥衝寒

南歌子

驛路侵斜月溪橋度曉霜短籬殘菊一枝黃正是亂山
深處過重陽旅枕元無夢寒更每自長只言江左好
風光不道中原歸思轉淒涼

虞美人

梅花自是於春嬾不是春來晚看伊開在衆花前便道
與春無分結因緣風前月下頻相就笑我如伊瘦幾
回衝雨過疎籬已見一番青子綴殘枝

又

平生臭味如君少自是君難老似儂憔悴更誰知只道
心情不似少年時春風也到江南路少檻花深處對
人不是憶姚黃寔是舊時風味老難忘

浣溪沙

暝日溫風破淺寒短青無數簇幽欄三年春在病中看
中酒心情渾似夢探花時候不曾閒幾年芳信隔秦

關

又

共飲昏昏到暮鴉不須春日念京華邇來沉醉是生涯
不是對君猶惜醉只緣春病却憐他願為蜂採落殘
花

長相思

要相忘不相忘玉樹郎君月艷娘幾回曾斷腸
欲下牀却上牀上得牀來思舊鄉北風吹夢長

減字木蘭花

去年今夜同醉月明花樹下此夜江邊月暗長堤柳暗

船 故人何處帶我離愁江外去來歲花前人似今年
憶去年

菩薩蠻

客愁不到西池路殘春又逐花飛去今日傍池行新荷
昨夜生 故人千慮繞不道書來少去住隔關河長亭
風雨多

又

高樓只在斜陽裏春風淡蕩人聲喜攜客不嫌頻使君

如酒醇 花光人不曾 月色須君醉 月色與花光共成
今夜長

又

登樓一望南山雪 使君風味如新月 月向雪前明 主人
今夜情 平生相與意 老病猶堪記 對酒為君歡 酒盃
嫌未寬

踏沙行

雪似梅花 梅花似雪 似和不似都奇絕 惱人風味阿誰

知請君問取南樓月
記得舊時探梅時節
老來舊事
無人說為誰醉倒為誰醒
到今猶恨輕離別

清平樂

故人何處同在江南路
百種舊愁分不去
枉被落花留
住
舊愁百種誰知
除非是見伊時
最是一春多病等閒
過了
酴醾

漁家傲

小院悠悠春未遠
牡丹昨夜開猶淺
珍重使君簾盡捲

風欲轉綠陰掩映闌干晚
記得舊時清夜短洛陽芳
訊時相伴一朵姚黃鬆髻滿情未展新來衰病無人管

生查子

殘春霧雨餘小院黃昏後說道覓新詞把酒來相就
醪醕插髻雲歲歲長如舊不是做詞遲却怕添伊瘦

水調歌頭

元會曲

毛澤民

九金增宋重八玉變秦餘千年清浸先淨河洛出圖書
一段昇平光景不但五星循軌萬點共連珠垂衣本神

聖補袞妙工夫 朝元去鏘環珮冷雲衢芝房雅奏儀
鳳矯首聽笙竽天近黃麾仗曉春早紅鸞扇喚遲日上
金鋪萬歲南山色不老對唐虞

浣溪沙

詠梅

月樣嬋娟雪樣清索強先占百花春於中燭底好精神
多恨肌膚元自瘦半殘粧粉不炊勻十分全似那人
人

又

初春汎舟時北山積雪盈尺而水南梅林盛開

水北烟寒雪似梅
水南梅開雪千堆
月明南北兩瑤臺
雪近恰如天上坐
魂清疑向斗邊來
梅花多處載春

回

又
泛舟

銀字笙簫小小童
梁州吹過柳橋風
阿誰勸我玉盃空
小醉徑須眠錦瑟
夜歸不用簇紗籠
畫舫簾捲月明
中

玉樓春
立春日

欽定四庫全書

小園半夜東風轉吹破冰池雲母面曉披閭闔見朝陽
和向碧階添幾線小烟弄柳晴光暝殘雪禁梅香尚
淺慙懃洗拂舊東君多少韶華都借看

惜分飛

富陽水寺秋夕望月

山轉沙回江聲小望盡冷烟衰草夢斷瑤臺曉楚雲何
處英英好古寺黃昏人悄悄簾捲寒堂月到不會思
量了素光看盡桐陰少

又

富陽僧舍代作別語

淚濕闌干花著露
愁到眉峰碧聚此恨平分取更無言
語空相覷
短雨殘雲無意緒
寂寞朝朝暮暮今夜山
深處斷魂分付潮回去

西江月

縣國小酌

烟雨半藏楊柳風光初到桃花玉人細細酌流霞醉裏
將春畱下
柳畔鴛鴦作伴花邊蝴蝶為家
醉翁醉裏
也隨他月石柳橋花榭

又
長安秋夜與諸君飲分題作

雨後袂衣初冷霜前細菊渾斑
觚稜清月繡團環萬里
長安秋晚
槽下內家玉滴盤中江國金丸
春容著面
作微殷燭影紅搖醉眼

又 茶詞

席上芙蓉待暎花間騷裊還嘶
勸君不醉且無歸歸去
因誰惜醉
雪點餅心未老乳堆盞面初肥
畱連能得
幾多時兩腋清風喚起

青玉案

新涼

芙蓉花上濛濛雨又冷落池塘暮何處風來搖碧戶捲
簾凝望淡烟疎柳翡翠穿花去玉京人去無由駐
忍獨在凭闌處試問綠牕秋到否可人今夜新涼一枕
無計相分付

踏沙行

臘梅

粟玉玲瓏雍酥浮動芳跗染得胭脂重風前蘭麝作香
寒枝頭烟雪和春凍蜂翅初開蜜房香弄佳人寒睡
愁和夢鶻黃衫子茜羅裙風流不與江梅共

秋霽

曾公袞

木落山明莫江碧樓倚太虛寥廓素手飛觴釵頭笑取
金英滿浮桑落髣髴雲漫約酒紅拂破香腮薄細細酌簾
外任教月轉畫闌角 當年快意登臨異鄉節物難禁
離索故人遠凌波何在惟有殘英共寂寞愁到斷腸無
處著寄寒香與憑渠問訊佳時弄粉吹花為誰梳掠

念奴嬌

片帆暮落正前村梅蕊愁人如雪東陌西溪長記得疎

影橫斜時節六出水姿玉人微步笑裏輕輕折蘭房同
醉暗香曾共私竊 回頭萬水千山一枝重見處離腸
千結料想臨鸞消瘦損時把啼紅偷浥待得伊來許多
幽恨共撚青梢說如今千里斷腸空對明月

又

江城春晚正海棠臨水嫣然幽獨秀色天姿真富貴何
必金盤華屋月下無人雨中有淚絕艷仍清淑豐肌得
酒嫩紅微透輕縠 曉日霧靄林深佳人春睡思朦朦

金華集卷下
初足笑出踈籬端可厭桃李漫山麓俗啣子飛來鴻鵠
何在千里移西蜀明朝酒醒亂紅那忍輕觸

洞仙歌

相如當日曾奏凌雲賦落筆縱橫妙風雨記揚鞭輦路
同醉金明窮勝賞不管重城已暮舊遊如夢覺零落
朋儕遺墨淋漓尚如故況神州北望今已丘墟傷白壁
久埋黃土但空似靈光巋然存悵朗月清風更無玄度

臨江仙

後院短牆臨綠水春風急管繁絃問誰親按小嬋娟玉
堂真學士琳館地行仙安得此聲來此處依稀一夢
梨園江南刺史漫垂涎據鞍腸已斷何況到尊前

上林春

東里梅繁豪健放樂醉倒花前狂客艷粧微步攀條弄
粉凌波遍尋青陌暗香墮靨更飄近霧鬢蟬額倒金荷
念流光易失幽姿堪惜惜花心未甘髣白南枝上又
見尋芳消息舊遊回首前懽如夢誰知等閒拋擲稠紅

亂禁漫開遍楚江南北獨消魂
念誰寄故園春色

菩薩蠻

山光冷浸清溪底
溪光直到柴門裏
卧對白蘋洲
歌眠數釣舟
溪山無限好
恨不相逢
早老病獨醒
多如此
良夜何

謁金門

風浙瀝簾外雪花初積
夢破小窻人寂
寂寒威無處敵
風浙瀝簾外雪花初積
夢破小窻人寂
寂寒威無處敵
強起飲君涓滴
清淚醉來霑臆
岐路只今多擁隔
弟

兄無信息

品令

紋漪漲綠疎靄連孤鶯一年春事柳飛輕絮笋添新竹
寂寞幽花獨殿小園嫩綠登臨未足悵遊子歸期促
他年清夢千里猶到城陰溪曲應有凌波時為故人凝
目

望雲涯引

李景元

秋容江上岸花老蘋洲白露濕蒹葭浦嶼漸增寒色閒

漁唱晚鷺雁驚飛處映遠磧數點輕帆送天際歸客
鳳臺人散漫回首沈消息素鯉無憑樓上暮雲凝碧時
向西風下認遠笛宋玉悲懷未信金樽消得

弔嚴陵

蕙蘭香泛孤嶼潮平鷺鷥散雪迤邐點破澄江秋色暝
靄向歛疎雨乍收染出藍峰千尺漁舍孤烟鎖寒磧畫
鷁翠帆旋解輕艤晴霞岸側正念往悲酸懷鄉慘切何
處引羌笛 追惜當時富春佳地嚴光釣址空遺迹華

星沈後扁舟泛去瀟洒聞名圖籍離觴弔終寓目意闌
魂消淚滴漸洞天曉回首暮雲千古碧

夢玉人引

漸東風暖隴梅殘霽雲碧嫩草柔條又迴江城春色乍
促銀籤便篆香紋蠟有餘迹愁夢相兼儘日高無力

這些離恨依然是酒醒又如織料伊懷惜也應向人端
的何故近日全然無消息問伊看伊教人到此如何休
得

過秦樓

賣酒爐邊尋芳原上亂花飛絮悠悠已蝶稀鶯散便擬
把長繩繫日無由謾道草忘憂也徒將酒解閒愁正
江南春盡行人千里蘋滿汀洲有翠紅徑裏盈盈侶
簇芳茵飲時笑時謳當暖風遲景任相將永日爛漫
從遊誰信盛狂中有離情忽到心頭向樽前擬問雙燕
來時曾過秦樓

帝臺春

芳草碧色萋萋遍南陌暖絮亂紅也知人春愁無力憶
得盈盈拾翠侶共携賞鳳城寒食到今來海角逢春天
涯為客愁旋釋還似織淚暗拭又偷滴謾竚立倚遍
危闌儘黃昏也只是暮雲凝碧君拚則而今已拚了忘則
怎生便忘得又還問鱗鴻試重尋消息

擊梧桐

杳杳春江闊收細雨風颭波聲無歇雁去汀洲暖岸蕪
靜翠染遙山一抹羣鷗聚散征船來去隔水相望楚越

對此凝情久念往歲上國嬉遊時節
鬪草園林賣花
巷陌觸處風光奇絕正恁濃歡裏悄不意頓有天涯離
別看那梅生翠實柳飄狂絮沒箇人共折把而今愁煩
滋味教向誰說

慢捲綢

絕羽沈鱗埋花葬玉杳杳悲前事對一盞寒燈數點流
螢悄悄畫屏巫山十二瞬驗星眸蕙情蘭性一旦成流
水便縱有甘泉妙手洪都方士何濟
香閨寶砌臨粧

處迤邐苔痕翠更不忍看伊繡殘鴛侶而今尚有啼紅
粉漬好夢不來斷雲飛去黯黯情無際謾飲盡香醪奈
向愁腸消遣無計

望春回

霽霞散曉射水村漸明漁火方絕灘露夜潮痕注凍瀨
淒咽征鴻來時應負書見疎柳更憶伊同折異鄉憔悴
那堪更逢歲窮時節東風暗回暖律算拆遍江梅消
盡品雪唯有這愁腸也依舊千結私言竊語此誓約便

眠思夢想無休歇
這些離恨除非對著說
似明月

清平樂

詠木樨贈韓叔夏

向伯恭

吳頭楚尾踏破芒鞋底
萬壑千岩秋色裏
不奈惱人風味
如今老我薌林世間
有不關心獨喜愛香韓壽能
來同醉花陰

鷓鴣天

紫禁烟花一萬重
鰲山宮闕倚晴空
玉皇端拱彤雲上
人物嬉遊陸海中
星轉斗駕迴龍
五侯池館醉春風

而今白髮三千丈愁對寒燈數點紅

虞美人

和趙正之韵時正之被召

淮陽堂上曾相對笑把姚黃醉十年離亂有深憂白髮
蕭蕭同見渚江秋履聲細聽知何處欲上星辰去清
寒初溢暮雲收更看碧天如水月如流

又

示栖隱寧老

澄江霽月清無對魯酒何須醉人憐貧病不堪憂誰識
此心如月正含秋再三滯漉方知處試向波心去迢

追空却勿能收漫道從來天地與同流

卜算子

中秋和東坡

雨意挾風回月色無天靜心與秋空一樣清萬象森如影
何處一聲鐘令我發深省獨立滄浪忘却歸不如
霜華冷

又

雙原避地作

時菊碎榛叢地僻柴門靜誰道村中好客稀明月和清影
天地一蘆廬夢事慵思省若箇知余懶是真心已

如灰冷

又

竹裏一枝梅雨洗娟娟靜疑是佳人日暮來綽約風前
影新恨有誰知舊事何堪省夢遶陽臺寂寞回半被
殘香冷

阮郎歸

乙卯潘陽道中作

江南江北雪漫漫遙思易水寒彤雲深處是三關斷腸
山又山天可老海能翻消除此恨難頻聞遣使問平

安幾時鑒輅還

滿庭芳

木犀詞約去非希箕養真同賦

月窟蟠根雲巖分種絕知不是塵凡琉璃剪葉金粟綴
花繁黃菊周旋避舍友蘭蕙羞殺山樊清香遠秋風十
里鼻觀已先參酒闌聽我語平生半是江北江南經
行處無窮淥水青山常被此花相惱思共老結屋中間
不因爾薌林底事游戲到人寰

西江月

游洞庭東西山將有天台雁蕩之行獲拜
御書薌林之賜呈子發元長去非三翰林

學士

得意穿雲度水及時斫玉分金茲遊了却未來心怪我
歸遲一仕居士何如學士翰林休笑薌林箇中真味
少知音不是清狂太甚

更漏子

題趙伯山青白軒

竹孤清梅皚白更著使君清絕梅似竹竹如君須知德
有鄰月同高風同調月底風前一笑翻碎影度微香
與人風味長

浣溪沙

歲除集二老句

爆竹聲中一歲除
東風送暖入屠蘇
瞳瞳曉色上林廬
老去怕看新曆日
退歸擬學舊桃符
青春不染白鬚

又

木犀花開不數日
謝去每恨不能挽
留近得海上方可作
爐煉耐久

醉裏驚從月窟來
睡餘如夢蕊宮迴
碧雲時度小崔嵬
疑是海仙憐我老
不論時節遣花開
從今休覓返魂梅

生查子

與客醉花下落蕊忽墮酒杯中

月姊倚秋風香度青林杪吹墮酒盃中笑靨撩人小
薌林萬事休獨此情未了醉裏又題詩不覺花前老

菩薩蠻

謝無逸

喧風遲日春光鬧蒲桃水碧搖輕棹兩岸草烟低青山
啼子規歸來愁未寢黛淺眉痕沁花影轉廊腰紅添
酒面潮

南歌子

雨洗溪光淨風吹柳帶斜畫橋朱戶玉人家簾外一眉
新月浸梨花金鴨香凝袖銅花燭映紗鳳盤宮錦小
屏遮夜靜寒生春筍理琵琶

謁金門

簾外雨洗盡楚鄉殘暑白鷺影邊霞一縷紺碧江天暮
沈水烟橫香霧茗盃淺浮瓊乳卧聽鷓鴣啼竹塢竹
風清院宇

如夢令

花落鶯啼春暮陌上綠楊飛絮金鴨晚香寒人在洞房
深處無語無語葉上數聲疎雨

又

門外桃花流水日暖杜鵑聲碎蕃馬小屏風一枕華堂
春睡如醉如醉正是困人天氣

虞美人

碧梧翠竹交加影角簾紗幙冷疎雲淡月媚橫塘一陣
荷花風起入簾香 雁橫天末無消息水闊吳山碧刺

桐花上蝶翩翩惟有夜涼清夢到郎邊

又

角聲吹散梅梢雪疎影黃昏月落英點點拂闌干風送
清香滿院作輕寒花瓷羯鼓催行酒紅袖摻纖手曲
聲未徹寶杯空飲罷香薰翠被錦屏中

漁家傲

秋水無痕清見底蓼花汀上西風起一葉小舟烟霧裏
蘭棹艤柳條帶雨穿雙鯉自嘆直鉤無處使笛聲吹

徹雲山翠鱗落雙刀紅縷細新酒美醉來獨枕蓑衣睡
清平樂

曉風殘月角裏梅花落宿酒醒時滋味惡翠被輕寒漠
漠夢回一點相思遠山暗蹙愁眉不覺肌膚瘦玉但
知帶減腰圍

鷺山溪

霜清木落深院簾櫳靜池面捲烟波瑩寒冰一奩明鏡
脩筠拂檻疎翠晚嬋娟水雲收山霧斂野水江天迥

紅綃醉玉酒面風前醒
簾幕護輕寒錦屏空薰
爐燼冷
星橫參昴梅徑月黃昏
淺眉顰清夢覺牕外橫
疎影

玉樓春

弄晴數點梅梢雨門外
畫橋寒食路杜鵑飛破
草間烟
蛺蝶惹殘花底露
臂鞦紅錦鳴腰鼓寒雁
影斜天上
柱粧成不官露桃嗔舞
罷從教風柳妬

武陵春

畫燭籠紗紅影亂門外
紫騮嘶分破雲團月影
虧雪浪

皺清漪 捧椀纖纖春筍瘦乳霧泛冰瓷兩腋風輕拂
袖飛歸去酒醒時

浪淘沙

料峭小桃風凝澹春容寶燈山列半天中麗服靚裘携
手處語笑忽忽 酒滴小槽紅一飲千鍾金蓮擎燭絳
紗籠歸去笙歌喧院落月照簾櫳

南鄉子

淺色染春衣衣上雙雙小雁飛袖捲藕絲寒玉瘦彈碁羸

得花前酒一卮 冰雪染燕脂
絳蠟香融落日西 唱徹
陽關人欲去 依依醉眼橫
波翠黛低

醉落魄

霜砧聲急 蕭蕭疎雨梧桐濕
無言獨倚闌干立 簾捲黃昏
一陣西風入 年時畫閣嘉賓
集 玉人檀板當筵
執銀瓶已斷絲繩汲 莫話前
歡忍對屏山泣

鵲橋仙

蝶飛烟草鶯啼雲樹滿
院垂楊陰綠 輕風飄盡杏
花紅

更吹皺池波如縠 珠簾日晚銀屏人散樓上醉橫雙竹
一春若道不相思緣底事紅綃褪玉

踏莎行

柳絮風輕梨花雨細春陰院落簾垂地碧溪影裏小橋
橫青帘市上孤烟起 鏡約關情琴心破睡輕寒漠漠
侵鴛被酒醒霞散臉邊紅夢回山蹙眉間翠

採桑子

楚山削玉雲中碧影落沙汀秋水澄凝一抹江天雁字

橫金錢滿地西風急紅蓼烟輕簾外砧聲驚起青樓
夢不成

江城子

一江秋水碧灣灣繞青山玉連環簾幕低垂人在畫屏
間閒把琵琶尋舊曲彈未了意闌珊飛鴻數點拂雲
端倚欄看楚天寒擬倩西風吹夢到長安恰似梨花春
帶雨愁滿眼淚闌干

鷓鴣天

桐葉成陰拂畫簷清風涼處捲簾紅綃舞袖縈腰柳
綠玉眉心媚臉蓮愁滿眼水連天香牋小字倩誰傳
梅黃楚岸垂垂雨草碧吳江淡淡烟

浣溪沙

樓閣簾垂乳燕飛圓荷細細點清漪薰風破夢說涼時
玉軫琴邊蘭思遠霜紈扇裏翠眉低揉藍衫子鬧蜂
兒

菩薩蠻

穀紋波面浮鷓鴣蒲芽聳出參差碧滿院落梅香柳梢
初弄黃 衣輕紅袖皺香困花枝瘦睡起玉釵橫隔簾
聞曉鶯

水龍吟

朱希真

放船千里凌波去略為吳山留顧雲屯水府濤隨神
女九江東注北客蒼然壯心偏感年華將暮念伊嵩舊
隱巢由故友南柯夢遽如許 回首妖氛未掃問人間
英雄何處竒謀報國可憐無用塵昏白羽鐵鎖橫江錦

帆衝浪孫郎良苦但愁敵桂櫂悲吟梁月泪流如雨

念奴嬌

見梅驚笑問經年何處收香藏白似語如愁却問我何
苦紅塵久客觀裏栽桃仙家種杏到處成疎隔千林無
伴淡然獨傲霜雪且與官領春回孤標爭肯接雄蜂
雌蝶豈是無情知受了多少淒涼風月寄驛人遙和羹
心在忍使芳塵散東風寂寞可人誰為攀折

驀山溪

瓊疏玉蘂久寄清虛裏春到碧溪東下白雲尋桃問李
彈簧吹葉嬾傍少年場追楚佩覓秦簫踏破青鞋底
河傳酒熟誰解畱儂醉兩袖拂飛花空一春淒涼憔悴
東風誤我滿帽洛陽塵喚飛鴻遮前日歸去烟霞外

清平樂

詠木犀

人間老少菊小芙蓉老冷淡仙人偏得道買住西風一
笑前身應是江梅黃姑點破冰肌只有暗香猶在飽
參清似南枝

憶秦娥

西江碧江亭夜燕天涯客天涯客一杯相屬此夕何夕
燭殘花冷歌聲急秦關漢苑無消息無消息宮樓吹
角故人難覓

醉落魄

海山翠疊夕陽殿雨雲堆雪鷓鴣聲裏蠻花發我共扁
舟江上兩萍葉東風落酒愁難說誰教春夢分胡越
碧城芳草應銷歇曾識劉郎惟有半彎月

醜奴兒

一番海角淒涼夢，却到長安。翠帳屏簾，依舊屏斜十二。
山玉人爲我調秦瑟，顰黛低鬟。雲散香殘，風雨蠻溪。
半夜寒

卜算子

江上見新年，年夜聽春雨。有箇人人，領略春粉澹紅輕。
注深勸玉東西，低唱黃金縷。撚底梅花，總是愁酒盡。
人歸去

採桑子

扁舟去作江南客
旅店孤雲萬里烟
塵回首中原淚滿
巾
碧山相映汀洲冷
楓葉蘆根日落波平
愁損辭鄉
去國人

柳梢青

狂蹤怪迹誰料
半老天涯為客
帆展霜風
舡隨江月
山寒波碧
如今著處添愁
怎忍看
參西雁北
洛浦鶯花
伊川雲水
何時歸得

減字木蘭花

古人誤我獨舞西風雙淚墮
鶴去無蹤木落西陵照晚
紅 人間難住擲下酒柸何處去
樓瑣鐘殘山北山南
兩點煙

又

劉郎已老不管桃花依舊笑
要聽琵琶重院鶯啼覓謝
家 曲終人醉多似潯陽江上淚
萬里東風國破山河
落照紅

鵲橋仙

嫦娥怕聞銀蟾傳令且無遮
鸞翳鳳直須人睡俗塵清
放雲漢冰輪徐動山前散髮披衣松下琴奏瑤池三
弄曲終鶴警露華寒笑濁世饒伊做夢

又

竹西散策花陰圍坐可恨來遲幾日披香不覺玉壺空
破酒面飛紅半濕悲歌醉舞幾人而已總是天涯倦
客東風吹淚故園春問我輩何時去得

鷓鴣天

曾為梅花醉不歸佳人挽袖乞新詞
輕紅遍寫鴛鴦帶
濃碧爭斟翡翠卮
人已老事皆非
花前不飲淚沾衣
如今但欲關門睡一任梅花作雪飛

又

唱得梨園絕代聲
前朝惟數李夫人
自從驚破霓裳後
楚奏吳歌扇裏新
秦嶂雁
越溪砧
西風北客兩飄零
樽前忽聽當時曲
側帽停盃淚滿襟

感皇恩

曾醉武林溪竹深花好玉珮雲環共春笑主人好事坐
客雨中風帽日斜青鸞舞金樽倒歌斷渭城月沈星
曉海上歸來故人少舊遊重到但有夕陽荒草恍然真
一夢人空老

相見歡

東風吹盡江梅橘花開舊日吳王宮殿長青苔今古
事英雄淚老相催常恨夕陽西去晚潮迴

木蘭花慢

折芙蓉弄水動玉珮起秋風正柳外聞雲溪頭淡月映
帶疎鐘人間厭謫墮久恨蛻旌未返碧樓空直與時人
度日自憐懷抱誰同 當時種玉五雲東露冷夜耕龍
念瑞草成畦瓊蔬未採人照衰容誰知素心未已望青
都絳闕有無中寂寞歸來隱處處聽帝樂融融

滿庭芳

沈會宗

柳與堤迴橋隨湖轉望中如在蓬萊水禽高下烟霧斂

還開認是仙翁住處都不見一點塵埃壺天曉清寒帶
雪光景自徘徊高才廊廟手當年平步直到堯堦況
今朝調鼎尤待鹽梅只恐身閒不久難畱戀花月飛臺
看新歲春風且送五馬過江來

又

雪底尋梅水痕觀水晚來天氣尤寒漸漸歌笑輕暖發
春妍賞盡十洲新景依稀見三島風烟判涼夜一年月
色只是這番圓熙然千里地何妨載酒頻上湖船況

金瓶梅詞話卷下
坐中高客不日朝天須信人間好處沒箇事勝得樽前
東風近侵尋桃李別做醉因緣

又

疎木藏鐘輕烟籠角幾家簾幕燈光暮砧聲斷空壁鎖
寒蛩入袂西風陣陣徹醉骨都不勝涼欄杆外依稀嫩
竹月色冷如霜仙鄉何處是雲深路杳不念劉郎但
畫橋流水依舊垂楊要見時時便見一向價只作尋常
爭知道愁腸淚眼獨自過重陽

臨江仙

過盡清明三月雨東風才到溪濱畫工傳得已非真青
君著意處桃李未為倫倚檻盈盈如欲語就中拈足
花神自然亭館一番新從今觀絕品不獨洛陽人

夢玉人引

舊追遊處思前事儼如昔過盡鶯花橫雨暴風初息杏
花枝頭又自然別是般天色好傍垂楊繫畫船橋側
小歡幽會一霎時光景也堪惜對酒當歌故人情分難

覓山遠水長不成空相憶逕歸去重來又却是幾時來
得

驀山溪

想伊不住船在藍橋路別語未甘聽更擬問而今是去
門前楊柳幾日轉西風將行色欲畱心忽忽城頭鼓
一番幽會只覺添愁緒邂逅却相逢又還有此時歡否
臨歧把酒莫惜十分斟樽前月月中人明夜知何處

漢宮春

別酒初醒似一番夢覺屈指堪驚猶疑送消息遇著
人聽當初喚作據眼前略略看承及去了從頭想伊心
下始覺寧寧黃昏畫角重城更傷高念遠懷抱何勝
良時好景算來半為愁生幽期暫阻便就中月白風清
千萬計年年斷深不得是這些情

尋梅

今年早覺花信初蹉想芳心未應誤我一月小徑幾回
過始朝來尋見雪痕微破眼前大抵情無那好景色

只消些箇春風爛漫却且可是而今枝上一朶兩朶

不見

即古憶仙姿

日過重簾未捲裊裊欲殘香線午醉却醒來柳外一聲鶯
轉不見不見門掩落花深院

又

回首蕪城舊院還是綠深紅淺春意已無多斜日滿簾
飛燕不見不見花上雨來風轉

訴衷情

深深院宇小池塘一徑碧梧長青春又歸何處新筍綠
成行多少事惱人場懶思量香消一炷睡起霎時日
過東牕

菩薩蠻

相逢無處無樽酒樽前未必皆朋舊酒到任教傾莫思
今夜醒明朝相別後江上空迴首欲去不勝情為君
歌數聲

又

春城迤邐層陰遶青梅競弄枝頭小江色雨和烟行人
江那邊好花都過了滿地空芳草落日醉醒間一春
無此寒

小重山

花過園林清蔭濃琅玕新脫笋綠叢叢雨聲只在小池
東閒歌枕直面芰荷風長日敞簾櫳輕城飛不到畫
堂空一樽今夜與誰同人如玉相對月明中

轉調蝶戀花

谿上清明初過雨。春色無多。葉底花媒度。輕暖時聞燕
雙語。等閒飛入誰家去。短牆東畔新朱戶。前日花前
把酒人。何處髣髴橋邊上。船路綠楊風裏。黃昏鼓。

又

漸近朱門香夾道。一片笙歌。依約樓臺杪。野色和烟滿
芳草。溪光曲曲山迴抱。物華不逐人間老。日日春風
在處花枝好。莫恨雲深路難到。劉郎可惜歸來早。

臨江仙

陳子高

枕帳依依殘夢齋房忽忽餘醒薄衣團扇遠堦行曲闌
幽樹看得綠成陰 簷雨為誰凝咽林花似我飄零微
吟休作斷腸聲流鶯百轉解道此時情

又

四海十年兵不解征塵直到江城歲華銷盡客心驚疎
髯渾似雪衰涕欲生冰 送老鰲鹽何處是我緣應在
吳興故人相望若為情別愁深夜雨孤影小牕燈

漁家傲

寶瑟塵生郎去後綠牕閒却春風手淺色宮羅新染就
晴時候裁縫細意花枝鬪象尺熏爐移永畫粉香浥
浥薔薇透晚景看來渾似舊沈吟久箇儂爭得知人瘦
攤破浣溪沙

鬆漫梳頭淺畫眉亂鶯殘夢起多時不道小庭花露濕
剪酴醿簾額好風低燕子牕油晴日打蜂兒翠袖粉
牋閒弄筆寫新詩

浣溪沙

淺畫香膏拂紫綿。牡丹花重翠雲偏。手按梅子並郎肩。
病起心情終是怯。困來模樣不禁憐。旋移針線小牕

前

又

香霧空濛墮彩蟾。傾城掩映出重簾。光搖銀燭夜厭厭。
何物與儂供醉眼。半黃梅子帶紅鹽。粉融香潤玉纖

纖

又

淡墨花枝掩薄羅嫩藍裙子窄湘波水晶新樣碾風荷
問著似羞還似惡惱來成笑不成歌芙蓉帳裏奈君
何

又

短燭熒熒照碧牕重重簾幙護梨霜幽歡不怕夜偏長
羅襪鈿釵紅粉醉曲屏深慢綠橙香征鴻離雁斷人
腸

又

卷下
小院春來百草青
拂牆桃李已飄零
絕知春意總無憑
盧女嫁時終薄命
徐娘身老謾多情
洗香吹粉轉娉婷

又

牕紙幽幽不肯明
寒更忍作斷腸聲
背人殘燭却多情
合下心期唯有夢
如今魂夢也無憑
幾行閒淚莫縱橫

謁金門

花滿院飛去飛來雙燕紅雨入簾寒不卷曉屏山六扇
翠袖玉笙悽斷脈脈兩蛾愁淺消息不知郎近遠一
春長夢見

又

柳絲碧柳下人家寒食鶯語匆匆花寂寂玉堦春蘚濕
閒凭薰籠無力心事有誰知得檀炷繞牕燈背壁畫
簷殘雨滴

又

深院靜塵暗曲房悽冷黃葉滿階風不定無端吹酒醒
露濕小園幽徑悄悄啼蛄相應半被餘薰殘燭影夜
長人獨冷

又

春漏促誰見兩人心曲罨畫屏風銀蠟燭淚珠紅軟軟
懊惱歡娛不足只許夢中相逐今夜月明何處宿畫
橋春水綠

又

春草碧憶著去年寒食白紵紅裙香遠襲折花開調客
好在江南江北燕子不傳消息醉眼騰騰羞面赤斷
腸儂記得

又

羅帳薄縹緲綺疏飛閣紅地團花金解絡香囊垂四角
盡日春風簾幙誰見綠屏纖弱雲壓枕函斜白落無
端春夢惡

又

愁脈脈目斷江南江北烟樹重重芳信隔小樓山幾尺
細草孤雲斜日一向弄晴天色簾外落花飛不得東
風無氣力

又

春寂寂綠暗溪南溪北溪水沉沉天一色鳥飛春樹黑
腸斷小樓吹笛醉裏看朱成碧愁滿眼前遮不得可
憐雙鬢白

虞美人

踏車不用青裙女，日夜歌聲苦。風流墨綬，強躋攀喚起，
潛蛟飛舞，破天慳。公遶休更重門掩，細聽催詩點一
尊。已詠北牕風，卧看雪兒纖手，剥蓮蓬。
張宰祈雨有感

又

小山戢戢盆池淺，芳樹陰陰轉。
一作見紅欄干上刺薔薇，

蝴蝶飛來飛去兩三枝。
繡裙斜立腰肢困，翠黛縈新
恨。風流踪跡使人猜，過了鬪雞時節，合歸來。

又

綠陰滿院簾簾垂地落絮繁香砌池光不定藥闌低閒並
一雙鷓鴣没人時舊歡黯黯成幽夢帳捲金泥重日
虹斜處暗塵飛脈脈小牕孤枕鏡花移

菩薩蠻

柳條窄窄閒遶院錦波繡浪春風轉紅日上闌干晚來
花更寒綠檀金隱起翠被香烟裏幽恨有誰知空梁
落燕泥

又

赤欄橋盡香街直
籠街細柳嬌無力
金碧上青空
花晴簾影紅
黃衫飛白馬
日日青樓下
醉眼不逢人
午香吹暗塵

又

池塘淡淡浮鷓鴣
杏花吹盡垂楊碧
天氣度清明
小園新雨晴
綠牕描綉罷
笑語酴醾下
圍坐賭青梅
困從雙臉來

又

綠蕪牆遶青苔院中庭日淡芭蕉卷蝴蝶上堦飛烘簾
自在垂玉鈎雙語燕寶釵楊花轉幾處簌錢聲綠牕
春睡輕

又

柳條到地鶯聲滑鴛鴦睡穩清溝濶九曲轉朱闌花深
人對閒日長刀尺罷試履櫻桃下鬢髻玉釵風雲輕
線脚紅

又

綠陰寂寂櫻桃下
盆池靜照薔薇架
簾影假山前映堦
紅葉翻
芭蕉籠碧砌
獨子中庭睡
香徑沒人來拂墻
花又開

點絳脣

曲陌春風誰家姊妹
同牆看映花烘煥
困入茸茸眼
細馬輕衫倚醉偷
回面垂楊轉墜鞭
却扇白地肝腸斷
好事近

尋遍石亭春黯黯
暮山明滅竹外小溪
深處倚一枝寒

月淡雲疎雨苦無情得折便須折醉帽風鬟歸去有
餘香愁絕

千秋歲

栢舟高躅晚歲宜遐福門戶壯疏湯沐青袍圍白髮瑞
錦標犀軸仙桂長交柯却映蟠桃熟縹緲長江曲入
破瓊簫逐香霧滿飛華屋玉鉤涼月掛冰麝芙蓉馥千
萬壽酒中倒卧南山綠

鷓鴣天

禁火餘寒酒半醒
葡萄力軟被愁侵
鯉魚不寄江南信
綠盡菖蒲春水深
疑夢斷愴離衿
重簾複幙靜悵悵
赤闌干外梨花雨
還是去年寒食心

又

芳樹陰陰脫晚紅
餘香不斷玉釵風
薄情夫婿花相似
一片西飛一片東
金翡翠繡芙蓉
從教纖媚笑牀空
揉藍衫子休無賴
只與離人結短封

又

小市橋彎更向東便門長記舊相逢踏青會散鞦韆下
髮影衣香怯晚風悲往事向孤鴻斷腸腸斷舊情濃
梨花院落黃茅店繡被春寒此夜同

豆葉黃

粉牆丹柱柳絲中簾箔輕明花影重午醉醒來一面風
綠忽忽幾顆櫻桃葉底紅

又

樹頭初日鵲鳩鳴野店山橋新雨晴短褐無泥竹杖輕

水冷冷梅片飛時春草青

又

鞦韆人散小庭空
麝冷燈昏愁殺儂
獨有閒堦兩袖風
月朧朧一樹梨花細雨中

鷓鴣天

趙子發

約料應飛白玉槳
明樓漸放滿輪寒
天垂萬丈清光外
人在三秋爽氣間
聞葉吹想風鬟浮空彷彿女乘鸞
此時不合人間有
盡入嵩山靜夜看

洞仙歌

荒山明月下有雲來去
深夜纖毫靜可數
問古今底事
留此空光修月戶
猶是當年玉斧
思君持羽扇來伴
微吟水佩風鬟
飲松露待勾漏丹成
約與輕飛人間世
不知歸處更長嘯
餘聲振林谿
見亂紅驚飛半
品花雨

桃源憶故人

芳菲已有東風露
寒著輕羅未去
午夜鸞車鶴馭散入

千蓮步 粉香度曲嬉遊女
草草相逢無據腸斷淚零
無數洒作花梢雨

浣溪沙

疎蔭搖搖趁岸移
鷺點點過帆飛
船分水打嫩沙回
斷夢不知人去處
卷簾還有燕來時
日斜風緊轉灣

西

南歌子

天末疑無路
波飜欲御風
此身忽在玉壺中
醉倒不知

南北與西東
獵獵遙鳴草
颼颼靜打篷
與君回櫂碧
雲濃不是思歸只為酒船空

又

人有紉蘭佩
雲無出岫心
扁舟來入碧
濤深坐見楚
咻兒女變齊
音但醉雙鉶
玉從渠亦印
金此時何處
可幽尋風定
津頭白月照
平林

點絳脣

野岸孤舟斷
橋明月穿流
水雁聲嘹唳
雙落行人淚

去歲吾家曾插黃花醉今那是杖藜西指看即成千里

虞美人

飛雲流水來無信花發年年恨小桃如臉柳如眉記得
那人模樣舊家時樓高映步拖金縷香濕黃昏雨如
今不見欲憑書門外水平波煥一雙魚

惜分飛

數點雨聲驚殘暑簾外秋光容與重換熏爐炷漸低羅
幙香成霧今夜涼情幾許莫向屏山認取却笑陽

臺女楚人空詠高唐賦

阮郎歸

馬蹄踏月響空山
梅生烟壑寒水妃去後
淚痕乾
天風吹珮蘭
紉香久怕花殘
與君聊據鞍
一枝欲寄北人看
如今行路難

點絳脣

詠御射

曹元寵

秋勁風高暗知斗力添
弓面靶分筠幹
月到天心滿
白羽流星飛上黃金盃
平沙雁雲邊驚散
壓盡天山箭

又

疎柳殘蟬助人離思斜陽外淡烟疎靄節物隨時改
水已無情風更無情鵝蘭舟解水流風快回首何人在

又

密炬高烧寶刀時剪金花碎照人歡醉也照人無睡
待得灰心陪盡千行淚籠約裏夜涼如水猶喜長成對

如夢令

門外綠陰千頃兩兩黃鸝相映睡起不勝情行到碧梧

金井人靜人靜風動一枝花影

撲蝴蝶

人生一世思量爭甚底花開十日已隨塵共水且看欲
盡花枝未厭傷多酒盞何須細推物理幸容易有人
爭奈只知名與利朝朝日日忙忙劫劫地待得一餉閒
時又却三春過了何如對花沈醉

憶少年

年時酒伴年時去處年時春色清明又近也却天涯為

客念過眼光陰難再得想前歡盡成陳迹登臨恨無
語把闌干暗拍

驀山溪

護霜雲際遠日明芳樹竹外一枝斜想佳人天寒日暮
黃昏小院無處著清香風細細雪垂垂何況江頭路
月邊疎影夢到銷魂處結子欲黃時又須作廉纖細雨
孤芳一世供斷有情愁銷瘦損東陽也試問花知否

又

草薰風暝樓閣籠輕霧牆短出花梢映誰家綠楊朱戶
尋芳拾翠綺陌自青春江南遠踏青時誰念方羈旅
昔遊如夢空憶橫塘路羅袖舞臺風想桃花依然舊樹
一懷離恨滿眼欲歸心山連水水連雲悵望人何處

相思會

人無百年人剛作千年調待把門關鐵鑄鬼見失笑多
愁早老惹盡閒煩惱我醒也枉勞心謾計較 麝衣淡
飯羸取暝和飽住箇宅兒只要不大不小常教潔淨不

種閒花草據見定樂平生便是神仙了

品令

乍寂寞簾櫳靜夜久寒生羅幙
牕兒外有个梧桐樹早
一葉兩葉落獨倚屏山欲寐
月轉驚飛烏鵲促織兒
聲響雖不大敢教賢睡不著

小重山

簾捲東風日射牕小山庭院靜
接回廊疎疎晴雨弄斜
陽憑欄久牆外杏花芳
時節好尋芳多情懷酒伴憶

懽狂歸鴻應已度瀟湘音書杳前事忍思量

又

陌上花繁鶯亂啼驛驢金絡腦錦障泥尋芳行樂憶當時
時聯鑣處飛鞚綠楊堤春物又芳菲情如風外柳只
依依空憐佳景負歸期愁心切惟有夢魂知

青玉案

碧山錦樹明秋霽路轉陡疑無地忽有人家臨曲水竹
籬茅舍酒旂沙岸一簇成村市淒涼只恐鄉心起鳳

樓遠回頭謾凝睇何處今宵孤館裏一聲征雁半牕殘
月總是離人淚

鷓鴣天

輦路熏風起綠槐都人凝望滿天街雲韶杳杳鳴鞘肅
芝蓋亭亭障扇開微雨過絕纖埃內家車子走輕雷
千門不敢垂簾看總上銀鉤等駕來

漁家傲

水上落紅時片片江頭雪絮飛繚亂渺渺碧波天漾遠

平沙暝花風一陣蘋香滿
晚來醉著無人喚殘陽已
在青山半睡覺只驚花改岸
擡頭看元來弱縵風吹斷

阮郎歸

簷頭風珮響
丁東簾疎燭影紅
鞦韆人散月溶溶
樓臺花氣中
春酒醒
夜寒濃
繡衾誰與同
只愁夢短不相逢
覺來羅帳空

臨江仙

青瑣牕深紅獸喚
燈前共倒金樽
數枝梅浸玉壺春
雪

明渾似曉香重欲成雲 戶外馬嘶催客起席間歡意
留人從他微霰落紛紛不妨吹酒面歸去醒餘醺

鷓鴣天

淺笑輕顰不在多遠山微黛接橫波情吞醴醕千鍾酒
心醉飛瓊一曲歌 人欲散奈愁何更看朱袖拂雲和
夜深醉墨淋漓處書遍香紅擁頂羅

青門飲

山靜烟沈岸空潮落晴天萬里飛鴻南度冉冉黃花翠

翹金鈿還是倚風凝露歲歲青門飲盡龍山高陽儔侶
舊賞成空回首舊遊人在何處 此際誰憐萍泛空自
感光陰暗傷霸旅醉裏悲歌夜多驚夢無那覺來情緒
孤館昏還曉厭時聞南樓鐘鼓淚眼臨風腸斷望中歸
路

青玉案

田園有計歸須早在家縱貧亦好南來北去何日了光
陰送盡可憐青髻暗逐流年老 寂寥孤館殘燈照鄉

思驚時夢初覺落月蒼蒼關河曉一聲鷄唱馬嘶人起
又上長安道

好事近

茆舍竹籬邊雀噪晚枝時節一陣暗香飄處已難禁
愁絕江南得地故先開不待有飛雪腸斷幾回山路
恨無人攀折

醉花陰

九陌寒輕春尚早燈火都門道月下步蓮人薄薄香羅

峭窄春衫小
梅粧深淺風蛾裊
隨路聽嬉笑無限面
皮兒雖則不同各是一般好

點絳脣

小小朱橋柳邊人過橫塘路
細風時度碧浪痕痕去

草軟沙平穩襯尋幽步
花深處亂紅飛舞回首春城暮

又

雲透斜陽半樓紅影明
牕戶暮山無數歸雁愁邊去

十里平蕪花遠重重樹
空凝竚故人何處可惜春將暮

又

沉醉歸來洞房燈火閒相照夜寒猶峭信意和衣倒

春夢雖多好夢長長少紗牕曉鳳幃人悄花外空啼鳥

水龍吟

牡丹

曉天穀雨晴時翠羅護日輕烟裏醺醺徑暝柳花風淡
千葩濃麗三月春光上林池館西都花市看輕盈隱約
何須解語凝情處無窮意金殿筠籠歲貢最姚黃一
枝嬌貴東風既與花王芍藥須為近侍歌舞筵中滿裝

歸帽斜簪雲髻有豪情未已齊燒絳蠟向闌邊醉

聲聲慢

重簷飛峻麗絲橫空繁華壯觀都城雲母屏開八面人
在青冥凭闌瑞烟深處望皇居遙識蓬瀛回環閣道五
花聞相壓盡旗亭歌酒長春不夜金翠照羅綺笑語
盈盈陸海人山輻輳萬國歡聲登臨四時總好况花朝
月白風清豐年樂歲熙熙且醉太平

蝶戀花

簾捲真珠深院靜滿地槐陰鏤日如雲影午枕花前情
思凝象床冰簟光相映過面風情如酒醒沈水瓶寒
帶綆來金井滌盡煩襟無睡興闌干六曲還重凭

浣溪沙

柳絮池臺淡淡風碧波花嶼小橋通雲連麗宇倚晴空
芳草綠楊人去住短牆幽徑燕西東攀條弄藥得從
容

點絳脣

水飯

霜落吳江萬畦香稻來場圃夜村春黍草屋寒燈雨
玉粒長腰沉水溫溫注相畱住共抄雲子更聽歌聲度

又

一片南雲定知來做巫山雨歌聲纔度只向風中住

惱亂襄王無限牽情處長天暮又還飛去目斷陽臺路

好事近

魏夫人

雨後曉寒輕花外早鶯啼歇愁聽隔溪殘漏正一聲悽
咽不堪西望去程賒離腸萬回結不似海棠陰下按

涼州時節

阮郎歸

夕陽樓外落花飛
晴空碧四垂
去帆迴首已天涯
孤烟捲翠微
樓上客
鬢成絲
歸期未有期
斷魂不忍下危梯
桐陰月影移

減字木蘭花

西樓明月掩映梨花
千樹雪
樓上人歸愁
聽孤城一雁飛
玉人何處又見江南
春色暮芳信難尋
去後桃花

流水深

菩薩蠻

溪山掩映斜陽裏樓臺影動鴛鴦起隔岸兩王家出牆
紅杏花綠楊堤下路早晚谿邊去三見柳綿飛離人
猶未歸

定風波

不是無心惜落花落花無意戀春華昨日盈盈枝上笑
誰道今朝吹去落誰家把酒臨風千種恨難問夢回

雲散見無涯妙舞清歌誰是主回顧高城不見夕陽斜

減字木蘭花

落花飛絮杳杳天涯人甚處欲寄相思春盡衡陽雁漸
稀離腸酒眼腸斷淚痕流不斷明月西樓一曲攔干
一倍愁

菩薩蠻

東風已綠瀛洲草畫樓簾捲清霜曉清絕北湖梅花開
未滿枝長天音信斷又見南歸雁何處是離愁長安

明月樓

又

紅樓斜倚連溪曲樓前溪水凝寒玉
蕩鷗木蘭船船中人少年
荷花嬌欲語笑入鴛鴦浦波上暝烟低菱歌
月下歸

點絳脣

波上清風畫船明月人歸後漸銷殘酒獨自凭闌久
聚散匆匆此恨年年有重回首淡烟疎柳隱隱蕪城漏

武陵春

小院無人簾半捲
獨自倚欄時
寬盡春來金縷衣
憔悴有誰知
玉人近日書來少
應是怨來遲
夢裏長安
晚歸和淚立斜暉

南歌子

李易安

天上星河轉
人間簾幕垂
涼生枕簟淚痕滋
起解羅衣
聊問夜何其
翠貼蓮蓬小
金銷藕葉稀
舊時天氣舊
時衣
只有情懷不似舊家時

轉調滿庭芳

芳草池塘綠陰遶院晚晴寒透牕紗誰開金鎖管是客
來吵寂寞樽前席上春歸去海角天涯能留否酴醾落
盡猶賴有殘葩 當年曾勝賞生香薰袖活火分茶儘
如龍驕馬流水輕車不怕風狂雨驟恰才稱煮酒看花
如今也不成懷抱得似舊時那

漁家傲

天接雲濤連曉霧星河欲轉千帆舞彷彿夢魂歸帝所

聞天語慙慙問我歸何處
我報路長嗟日暮學詩謾
有驚人句九萬里風鵬正舉
風休住蓬舟吹取三山去
如夢令

常記溪亭日暮沈醉不知歸路
興盡晚回舟誤入藕花
深處爭渡爭渡驚起一灘鷗鷺

又

昨夜雨疎風驟濃睡不消殘酒
試問捲簾人却道海棠
依舊知否知否應是綠肥紅瘦

多麗

詠白菊

小樓寒夜長簾幕低垂恨蕭蕭無情風雨夜來揉損瓊
肌也不似貴妃醉臉也不似孫壽愁眉韓令偷香徐娘
傅粉莫將比擬未新奇細看取屈平陶令風韻正相宜
微風起清芬醞藉不減酴醾漸秋闌雪清玉瘦向人
無限依依似愁凝漢皋解佩似淚洒紈扇題詩朗月清
風濃烟暗雨天教憔悴度芳姿縱愛惜不知從此畱得
幾多時人情好何須更憶澤畔東籬

菩薩蠻

風柔日暮春猶早
夾衫乍著心情好
睡起覺微寒
梅花鬢上殘
故鄉何處是
忘了除非醉
沉水卧時燒
香消酒未消

又

歸鴻聲斷殘雲碧
背牕雪落爐烟直
燭底鳳釵明
釵頭人勝輕
角聲催曉漏
銀漢回牛斗
春意看花難
西風留舊寒

浣溪沙

莫訝盃深琥珀濃
未成沈醉意先融
輕寒已應晚來風
瑞腦香消魂夢斷
碎寒金小髻鬟鬆
醒時空對菊花紅

又

小院閒牕春色深
重簾未捲影沈沈
倚樓無語理瑤琴
遠岫出山催薄暮
細風吹雨弄輕陰
梨花欲謝恐難禁

又

淡蕩春光寒食天
玉爐沈水裊殘烟
夢迴山枕隱花鈿
海燕未來人鬪草
江梅已過柳生綿
黃昏疎雨濕秋
千

鳳凰臺上憶吹簫

香冷金猊被翻紅浪
起來人未梳頭
任寶奩閑掩日上
簾鉤生怕閒愁暗恨
多少事欲說還休
今年瘦非干病
酒不是悲秋
明朝這回去也
千萬遍陽關也即難留

念武陵春晚雲鎖重樓記取樓前綠水應念我終日凝眸凝眸處從今更添幾段新愁

一剪梅

紅藕香殘玉簟秋輕解羅裳獨上蘭舟雲中誰寄錦書來雁字回時月滿西樓花自飄零水自流一種相思兩處閒愁此情無計可消除才下眉頭却上心頭

蝶戀花

淚濕羅衣脂粉滿四疊陽關唱到千千遍人道山長山

又斷蕭蕭微雨聞孤館
惜別傷離方寸亂
忘了臨行
酒盞深和淺
好把音書憑過雁
東來不似蓬萊遠

又

暖雨清風初破凍
柳眼梅腮已覺春
心動
酒意詩情誰與共
淚融殘粉花鈿重
乍試夾衫金縷縫
山枕斜欹
枕損釵頭鳳
獨抱濃愁無好夢
夜闌猶剪燈花弄

鷓鴣天

寒日蕭蕭上鎖牕
梧桐應恨夜來霜
酒闌更喜團茶苦

夢斷偏宜瑞腦香 秋已盡日猶長 仲宣懷遠更悽涼
不如隨分樽前醉 莫負東籬菊蕊黃

小重山

春到長門春草青 紅梅些子破未開 勻碧雲龍碾玉成
塵留晚夢驚破一甌春 花影壓重門 疎簾鋪淡月好
黃昏二年三度負東君 歸來也著意過今春

怨王孫

湖上風來波浩渺 秋已暮紅稀少 水光山色與人親 說

不盡無窮好 蓮子已成荷葉老
清露洗蘋花汀草眠
沙鷗驚不回頭似也恨人歸早

醉花陰

薄霧濃雲愁永晝瑞腦銷金獸時節又重陽玉枕紗幮半
夜秋初透 東籬把酒黃昏後有暗香盈袖莫道不消
魂簾捲西風人似黃花瘦

好事近

風定落花深簾外擁紅堆雪長記海棠開後正是傷春

時節 酒闌歌罷玉樽空
青紅暗明滅魂夢不堪幽怨
更一聲啼鴉


訴衷情

夜來沈醉卸粧遲
梅萼插殘枝酒醒熏破春夢遠又
不成歸 人悄悄月依依翠簾垂更接殘藥更撚餘
香更得些時

臨江仙

庭院深深深幾許
雲牕霧閣常扃
柳梢梅萼漸分明

春歸秣陵樹人客建安城 感月吟風多少事於今
老去無成誰憐憔悴更彫零試燈無意思踏雪沒心
情



樂府雅詞卷下